St. Gone.

16,3

## MANIFESTE DE CE QVI SE

PASSA DERNIEREMENT aux Estats generaux, entre le Clergé & le tiers Estat.

fongregamini super montes Samaria,
et videte insanias multas in medio
cius, Et calumniam patientes
in penetralibus eius.

Amos. 3.

M. DC. XV.

Acc 23-101 (173)

## 

34 52 20 11




## MANIFESTE

DE CE QVI SE PASSA

Estats generaux, entre le Clergé & le tiers Estat.

Assemblés vous sur les montagnes de Samarie, & voyez les grandes folies qui s'y commettent, & la calomnie qu'on y faict souffir aux gens de bien.

Amos. 3.



bien, et pas un Consolateur, l'ay pensé qu'il estoit necessaire de mettre la

A ij

Basil. ep. 45.

main à la plume, afin de manifester à tout le monde la malice des peruers, le dessein des Apostats, & la trame des Schismatiques. I'ay appris d'vne des claires lumieres de l'Eglise primitiue qu'il saut respondre aux calomnies, non pas en intention de nous venger: maisafin d'empescherau mésonge le progrez deson insolence, ou plutost pour esclaireir ceux qui peuuent estre seduicts.

O France jadis exempte de Mostres, & maintenant remplie de Prodiges ô France jadis le doux & le sacré refuge de piete, & maintenant la pepiniere d'vn tas de libertins & d'Athees, ne permettras tu pas que ie deffende des bouchesimpures ceuxàqui tu dois les triomphes des heresies? Seras tu bien siingratteà ceux qui arrachét l'iuraye de to champ qu'au lieu de les recompéser de leur peine tu les laisses cruellement deschirer par des loups & des inastins? Courage grands Cardinaux & venerables Prelats de l'Eglise Romaine, ie voy la France qui comme vne bonne mere vous tend son bras droict. C'est la genereuse Noblesse, l'espee & le bouclier de la Chrestienté. La noblesse dis-ie! si Religieuse enuers Dieu, & si sidelle enuers son Prince que ceux qui prétent l'oreille aux discours de ces trompettes de seditions, & a ces enfans de Belial, ne me sçauroient nier que l'exéple de tant de gens d'honneur, ne condamne de passió ou plutost d'impieté, ceux qui adherent aux charmes de ces bouteseux.

Auguste Senat de la France: saincte Compagnie composee de plus doctes, & de plus gens de bien que celle des Areopagites: O grand Parlement de qui Pyrrhus diroit encores, s'il reuenoit au monde, que vous estes vne assemblee de Roys, & non des Conseillers d'vn Roy, quel grand mal'heur, quel destin cruel, & quel astreimpitoyable s'efforce de vous alterer cotre nostre bonne & commune Mere? Ces meschans, ces Renards, ces perfides, & ces impies, n'employét ils pas inutilement le temps à vouloir donner des fausses impressions, à ceux qui enfin ne peuuet estre trompez aux affaires d'Estat, non plus que l'Egliseaux choses de la Religion? Ne sçauent ils pas le

A iii

soin que vous auez eu d'arracher ces meschantes semences en la naissance des fausses opinions? Et si chacun selon son deuoir y eust contribué, comme le grand Senat de qui ie ne cesseray de publier la gloire, serios nous pas maintenant exempts de tant de Viperes qui rongent sourdement le ventre de celle qui les a conceus? Auguste Parlement Dieu qui vous a establi pour maintenir &pour rendre le droict à vn chacun: Vous qui representez sa personne & celle de nostre ieune Alexandre: Vous qui ouurez les oreilles aux plaintes des affligez: Vous qui estes l'azyle & le reffuge des miserables: Vous qui estes en fin le temple, ou l'on paye les vœux quel'on doibt a la raison, Vostre mere l'Eglise vous demande raison de la licence debordee de ceux qui blafphement Dieu, & ses Saincts: & vous coniure par les entrailles de la misericorde deceluy qui est le Roy de Roys, que vostreauthorité y tienne si seurement la main, que par la crainte du supplice; l'audace foit opprimee & l'inocecereleuce.

MAISfaiseurs d'ALLARMES, do

Tocsains, & de Tambours: Fusils de division: trompettes de dissention: & ennemis coniurez du repos des François: qui par des paroles d'execration par des iniures, & par des impostures întolerables, tenez le courage des bons Catholiques, pour les arracher à leur douce Mere, helas! qu'il est bien veritable que le glaiue couppe, & que la calomnie separe les amis! Chose estrange. Parauantureaucun de nous n'a iamais esté mordu d'vn Scorpion ou d'vn serpent, & cependant si tost que nous descouuros ces animaux pestiferes, nous taschons à leur oster la vie: Et maintenant nous voyons l'im--posture, nous apperceuons la calomnie, qui mord les gens de bien & nous n'en faisons point de punition! Celuy qui est blesse à recours au Medecin pour auoir guerison deson mal, & ne treuverons nous point de Medecin ny de dictame qui arrache le trait qui procede de ces bouches execrables? Il n'y a que la VERITE qui y puisse donner la guerison. C'est la Panacee. C'est le doux & le seul cataplasme. Neatmoins sil'on mesprise ce remede vnique &

souverain le mal s'empire, s'aigrit, & se rend incurable.

Ie sçay bien que la verité est amere, aussi bien comme douce: toutesfois puis qu'elle guerit en so amertume, de mesme qu'elle pardone en sa douceur, néseroit-on pas autant coupable de la cacher que celuy qui estale le mésonge, puis que l'vn ne desire poinct de profiter, pendant que l'autre s'efforce denuire? Il n'và point de doubte que celuy qui profere vne parolle fausse aulieu d'vne veritable, n'est pas seul traistre à la verité. Celuy l'est encores quine profere poinct libremet la verité qu'il doit proferer, ou bien qui ne la dessend point lors qu'il estobligé de la deffendre.

Toutesfois par quel bout commenceray-ievne si difficile entreprise? La passion regne, Tout est altere: & chacun croitauoir le droict de són costé. Stietasche de venir par des Admonirions, la procedure en fera trop douce, & au lieu de guerir le mal ie ne feray que le flatter & l'entretenir: Si par des reprehensions, l'on dira que ie suis ou vn mauuais François ou vn Athee.

I'appelle

9

l'apelle en témoignage celuy qui void tout & entend tout, & qui sonde les pensers auant qu'ils soient pensez, que iene suis porté d'aucune consideration particuliere. Le suis Catholique & neatmoins ie suis sidelle seruiteur de mon Roy. I e recognois le Pape au Spirituel, & ie ne recognois autre que mon

Princeau temporel.

Mais, ô François dequoy est-il questió? Pourquoy tat de plumes infames & puantes blasment vn des meilleurs François que la France puisse auouër? Pourquoy s'attachent-ils à celuy qui a tant de fois dompté les Monstres de l'Eglise & maintenu les privileges des Gaules? Ila tenu vne proposition ( escriuent ces desesperez,)qui est proprement contraire à la vie & à l'authorité des Roys, & du tout preiudiciable à l'Estat. O mensonge impudent i est ce àinsi que tu te veux couurir du manteau de la verité: Cégrand Cardinal & tout le Clergéte soustient. Que c'est vne chose horrible, damnable, execrable, es plus encores (fil'opeur vser de motsplusabominables) fe ne diray


pas d'attenter: mais seulement de penser à mettre la main sur l'Oinct du Seigneur. Queles Roys, et particulierement celuy qui gouuerne la Monarchie des François, ne releue au tëporel ny ne recognoist autre que Dieu Tout-puissant. Et que le Vicaire de nostre Seigneur n'a point de iurisdi-Etio sur les choses purement téporelles. Ce grand Cardinal, suyuy de tous les Prelats de ce Royaume t'apprend encores, qu'aux choses spirituelles ilvaut mieux obeyr à Dieu qu'aux hommes, & qu'il n'y any Prince, ny Monarque, qui puisse forcer une conscience, & qui ne doine luy mesme confesser en ces matieres qu'il est une des brebis du troupeau, dont le Pape est le Pasteur. Ce sont en effect ces sainctes, & raisonnables propositions, que tu changes en poison, comme font les Serpens la douceur du laict. Mais quoy hiboux nocturnes, oileaux malencontreux, qui descouurez incotinant à vostre ramage estro yable le

lieu de vostre naissance, auez vous jamais pratiqué vous mesmes les maximes que vous mettez en auant? Lors que nos Roys vous ont commandé de suiure la Religion de vos Peres, estes vous reuenus au giron de celle qui a honte d'auoir produict des prodiges? Vostre Rochelle, & vostre Geneue ont elles donné l'entree libre à leurs souuerains? Il est vray que quelquefois vous leur en auez voulu permettre l'entree, pourueu qu'ils ny fussent pas les plus forts non plus que l'Eglise. Et pourquoy cela? Parce (dictes vous) qu'aux choses spirituelles & qui touchent la Conscience, il vaut mieux obeyr à Dieu qu'aux Roys.

Donques des Singes de l'Eglise: des consistoires chimeriques & des Synodes Idees de Platon observeront, voire au trenchant de l'espée ce que l'Espouse du fils de Dieu n'osera publier? O siecles à mœurs: à temps: Et quand elle voudra ouurir la bouche pour maintenir son droict, les chiens & les masters ne cesseront d'abbayer contre elle C'est tout nostre debat, & à faute de nous entendre la passion croist, & la

raison n'a point d'audience? Toutes ces friuoles questions que l'on faict naistre en voulant confondre le Spirituel, auecle Temporel, sont ruses de Sathan, qui tasche de perdre la France aussi bien que l'Angleterre. C'est le communaduersaire des hommes qui s'efforce de rompre la douce harmonie qui est entre les deux puissances de l'Eglise, & del'Estat: c'està dire de nostre Sainct Pere, & denostre Roy. Le cauteleux Serpent recognoist que quand ces deux pouuoirs sont vnis, & que l'vn &l'autre se contiennent aux bornes que le Cielleur a prescrites la Pieté fleurit, la Vertu paroist, & la Concorde regne. Et luy qui est le Pere d'impieté, d'ordure, & de divisson employe toutes ses machines pour separer ces deux puissances. De là tant de mal'heurs: de là tant de larmes! Mais entendat ce difcours ie voy des-ja gronder non seulement des Heretiques: voire encores des Libertins & des Athees qui en apparence font profession de la foy Catholique. Ils me regardent de trauers, & osent direque ie parle contre ma conscience.

Langues effrences, j'aurois assez de matiere pour vous confondresi ie voulois employer contre vous mesmes les raisons qui procedent devous mesmes. Ieme contenteray pour fermer la bouche & à vous & à tous vos complices, & coniurez contre l'Eglise, d'exposer aux yeux du Soleil ce qui se passa dernierementaux Estats, & quia donné l'origine à toutes ces émotions. Cepédant le diray les succéz de ces choses le plus simplement que ie pourçay. La veritén'a pas besoing d'artifice. Sa force est si grande qu'il n'y a finesse ny embusche si bien couverte, dont elle ne se deffende. Et ce discours ne contient qu'vnepure & naïue verité.



## DISCOVRS VERITABLE DE

CE QVI CE PASSA DERnierement aux Estats Generaux de France, entre le Clergé, & le Tiers Estat.



E PENDANT que les Prelats de France appellez en la conuocation des Estats Generaux qui se tiennent à Paris dans les Augustins, est oyent assemblez en la Chambre Ecclesia-

stique, le Lundy 15. de Decembre 1614. Il sur representé que le tiers Estat auoit mis en deliberation vn article qui regarde la Foy, & la Religion, & qui va reueiller quelques curieuses difficultez, sur l'authorité de nostre saince Pere le Pape: Que cest article n'estant pas matiere d'Estat, & nullement a propos d'estre agité en ceste saison: voire encores ceste proposition ayant esté faicte par quelques-vns du Tiers Estat, sans y auoir bien pensé, & sans que leurs Prouinces, ny leurs Commettans

( si ce n'est les ennemis de l'Eglise) leur ayent donné ce pouuoir. Apres diuers aduis, il fut resolu que pour n'entrer en autre dissention, fur vn suiect chatouilleux, comme est celuy dont il est question ( qui ne fut pourtant expliqué, sinon en termes generaux, & en ce qu'il concernoit la Religion) la Reine se seroitinformée du faict dont il estoit question, & tres humblement suppliée de faire que le Tiers Estat se deporteroit de proposer, ny de resoudre sur telles matieres, pour les considerations quiluy seroient representées par Messeigneurs les Cardinaux de Sourdis, du Perron, de la Roche-Foucaut, & de Bonfy, quifurent suppliez de luy en faire la remonstrance, & tres humble supplication.

Il fut le lendemain rapporté en la mesme Chambre, comme Monseigneur le Cardinal de la Roche-Foucaut auoit faict la supplication, & remonstrance requise à sa Maiesté, qui auroit tesmoigné l'auoir agreable, & estre desireuse de diuertir le cours de telles propositions, & mesme qu'elle auroit pris plaisir qu'on luy en eust mis en auant quelque

expedient.

Le Samedy 21. de Decembre, on fit vne plaincte à la mesme Chambre Ecclesiastique, sur ce que le Tiers Estat auoit continué de deliberer, & pris resolution sur la mesme proposition: Que l'on faict dessa courir des extraicts de leurs deliberations, ou parmy des choses bonnes & iustes, & soubs l'apparence

du soing & de l'affection que chacun doit auoir de la conseruation de la personne Sacrée, & de l'authorité du Roy, l'on messoit des paroles de foy, & de doctrine, & des que stions vaines & superflues sur l'authorité du Spirituel. L'on representa que les ennemis de l'Église, ayans suscité & fomenté ceste propolition, estimoient par ce moyen introduire vn Schisme entre les Catholiques, faire ouuerture au serment d'Angleterre, exciter quelque errution & ialousie entre nostre S. Perele Pape, & le Roy, & alterer leur vnion & bonne intelligence. Or sur ceste plaincte apres que chacun de la Compagnie eust tesmoigné particulierement ses bonnes & sainetes intentions, pour la conservation des personnes sacrées des Roys, & de leurs droicts & authoritez souveraines; & que tous vilanimement eurent protesté qu'ils auoient plustost presumé souffrir toutes extremitez, que de consentir chose qui leur apporte preiudice, ou diminution: Pour plusieurs notables raisons qui furent au long desduictes; l'on arresta que les deux Chambres de la Noblesse, & du Tiers Estat seroient suppliées en termes generaux de n'entrer en aucune deliberation sur les propositions qui leur séroient faictes, touchant en matiere de la Foy, & de la Religion, ny de ce qui en dépend, sans au prealable en donner cognoissance à la Chambre Ecclesiastique, afin qu'attendu l'import tance de telles matieres, elle puisse leur donner son accez, comme celle qui est mieux in-Aruicte

struicte & informee de ces choses, qui sont encores de sa iurisdiction, & de sa cognois-sance.

Monsieur l'Archeuesque d'Aix, sut prié d'en porter la parole au Tiers Estat: & Messieurs les Euesques d'Auranches, & de Cisseron, à Messieurs de la Noblesse. Ils s'en acquitterent fort dignement, & apres rapporterent que les Sieurs Presidents, auoient comme accepté la proposition des Sieurs Deputez: voire que toute leur compagnie auoit tesmoigné l'auoir agreable: mais que neant-moins ils auoient respondu qu'on en delibereroit.

Le Lundy 22. Decembre, l'on donna aduis à la Chambre Ecclesiastique, que le Tiers Estat faisoit dissipation de consentir à la communication cy dessus mentionnee: Et comme elle faisoit des propositions & des ouvertures pour y remedier; Les Deputez de Messeigneurs de la Noblesse entrerent, & alors Monsieur de Maintenon portant la parole, entre autres choses dict: Que leur Chambre recognoissant qu'elle ne peut, ny ne doit traicter, ny ressoudre sur les matieres qui regardent la Foy, la Religion, & les autres choses Ecclesiastiques, est resolue de donner aduis, & cognoissance de tout, à la compagnie des Prelats, & de se conduire suivant son aduis, adioustant plusieurs autres submissions à l'honneur de l'ordre Ecclesiastique, dont ils furent remerciez.

Vn peu apres le sieur de Marmielle, & cinq

autres Deputez du Tiers Estat, estans entrez en l'Assemblee de la Chambre Ecclesiastique, apres plusieurs paroles d'honneur en ners l'Eglise, & le Saince Siege Apostolique, dict : Que leur Chambre se soubmettoit volontiers à ne rien traister sur les matieres de la Foy, & de la Religion: Qu'elle aduoiioit franchement que ces choses n'estoient pas de la cognoillance: mais de celle des Pasteurs de l'Eglise: Que si quelque proposition concernant telle matiere, Peltoit faite en leur Chambre, elle offroit d'en donner la communication, & la cognoissance à la Chambre Ecclesiastique, voire-mesme de sen remettre à son aduis. Mais pour ce qui regardoit la Police, & Discipline; sa conseruation & son execution, elle supplioit la compagnie des Écclesiastiques, de n'en desirer point la communication, d'autant que cela cauleroit des longueurs sur la compilation du Cayer. Messieurs du Clerge leur respondirent, que leur submission en ce qui touchoit la Foy, estoit louable: Que neantmoins cen'estoit pas allez, & que la restriction & reservation des poinces qui con-cernoient la Discipline estoit sort dangereuse. Toutesfois que la compagnie Ecclenastique en delibereroit.

Après que les Deputez du Tiers Estat se furent retirez, Messeigneurs les Presats entrerent en conference sur la responce que l'on venoit de seur faire: Mais elle sut jugee captieuse, & l'on recogneut que soubs l'apparence de douces paroses, & de grandes sub-

missions dont les mesmes deputez avoient vie, il y auoit sans doute du fiel! Et foubs cet-Que neantinoins cela ne procedoit point du corps du Tiers Estat, mais de quelques parti-culiers, qui fomentes par des esprits alterez, & qui recherchent depuis log-temps le Schisme, vont abusant plusieurs personnes d'hon-neur, & plusieurs gens de bien, qui sont en leur chambre. Et parce qu'il estoit des-ja tard, & qu'il faloit plus de temps pour prendre quelque honne resolution sur cette responce, il fut deliberé qu'on entreroit expressement pour ce suject l'après-disnée.

L'Assemblée Ecclesiastique s'estant doncques trouvée grande, plusieurs des Messieurs les Prelats discoururent sur ceste affaire, & de-meurerent d'accord, des desseings de ceux qui auoient fabrique l'article, & la proposition dont il est question, & pour la conseruation de laquelle le Tiers Estat auoit faict cette responce. Or apres plusieurs ounertures faictes de part & d'autre, il sut resolu dans la Chambre Ecclesiastique, qu'on deputeroit deuers le Tiers Estat : Et que la personne qui seroit priée de cette commission, representeroit auec toute la prudence, & la discretion, dont elle se pourroit aduiser, qu'on eust à se departir de cette reservation, eu esgard à son importance, & à seresoudre à donner communication du tout. Et neantmoins en ce qui regarde la vie, & la personne sacrée des Rois, que leur mesme Deputé representeroit la doctrine de l'Eglise, l'Article exprés du Concile de Constance, les iugemens des souverains Pontifes, & les sentences & resolutions de la Chambre Ecclesiastique, qui abhorre, deteste, & condamne d'Anatheme les erreurs & les Heresies contraires. Ce fut Monsieur l'Euesque de Montpelier qui

fut prié d'en porter la parole.

Le Mardy 23. Decembre, Monsieur de Montpelier ayant representé au Tiers Estat, ce dont la Chabre Ecclesiastique l'auoit chargé, incotinet le sieur de Marmiesse, & cinq autres Deputez vindrent, & representerent à Messieurs les Prelats que la force de l'éloquece & des raisons du mesme sieur de Montpellier auoit esté si grande que leur Chambre s'estoit aussi tost resolue de se déporter de ceste reseruation, & de s'en remettre à l'aduis de l'assemblée Ecclesiastique. Cependant qu'ils auoient apporté l'Article contenant la proposition sur laquelle la mesme Chambre Ecclesiastique s'estoit esmeuë. Qu'elle estoit suppliée d'y pouruoir comme elle trouueroit estre rai-fonnable. Messieurs du Clergé leur respondirent que leur Compagnie estoit satisfaicte de la submission & de la courtoisse de leur Chabre, & de ce qu'elle auoit conceu les fortes raisons qui luy auoient esté representées par le sieur de Montpellier.

Le Mardy 30. Decembre Messieurs de la Noblesse enuoyerent à Messieurs du Clergé le mesme article du Tiers Estat, qui leur auoit esté communiqué par iceluy, asin de reccuoir

l'aduis de la Chambre Ecclesiastique, & de se conformer & conduire suiuant son opinio: dont Messieurs les Prélats leur tesmoigne-rent beaucoup de gré.

Apres que par le comandemet de la Cham-bre Ecclesiastique l'on eut faict lecture de cest article, il fut remarque le recogneu que parmy plusieurs bonnes & iustes choses qui y sont contenues ( & principalement en ce qu'il semble rechercher quelque remede contre les malheureux & detestables parricides des Roys, que Messeigneurs les Prelats, que toute ceste Compagnie auec l'Eglise Catholi-que, continuans en leurs resolutions & protestations precedentes contre ces execrables assassins & parricides, tiennent en abominarion & en detestation) il y auoit des choses captieules & vicieules, desquelles les Estats ne peuuent rien decider ny prononcer: mais le seul Concile Occumenique: De sorte que pour prendre sur vne telle affaire de consequence, vue plus ample & plus meure delibe-ration la Compagnie Ecclesiastique delibera d'entrer, de releuée.

La proposition sur le mesme Article ayant esté mise en auant, en la seance de releuce en la Chambre Ecclesiastique, plusieurs des Messieurs les Prelats sirent de grands discours, & represent beaucoup de choses notables sur le mesme subject. Mais particulierement ils remonstrerent comme le Concile de Con-Rance, & le fainct fiege A softolique, auoit, desia pourueu, & prononcé la condemnation

C dijakoM

contre les erreurs & les heresies pernerses & execrables, qui enseigneut, qu'il est loisible d'entreprendre & d'attenter sur les personnes sacrées des Roys, voire mesme quand ils seroient des Tyrans. En fin il fut arresté que l'Article dont il est question, ne pouvoit ny ne deuoit estre receu, ny mis au Cayer, & que par mesme moyen on en donner oit aduis aux Chambres. Or pour leur en donner vne plus ample instruction: pour les édifier & les resoudre entierement, Monseigneur le Cardinal du Perron sut supplié d'en prendre la peine, & nonobstant ses instantes excuses, pressé & importuné de toute la compagnie Ecclefiastique. https://www.sagara

Le Mercredy dernier Decembre, Monseigneur le Cardinal du Perron estant entré en l'assemblée, fut derechef supplié tres-humblement, & auec grande instance requis par la Compagnie Ecclesiastique, que suivant la deliberation precedente, il voulut luy faire l'honneur d'aller vers les Chambres. Mais il auroit encores fort insisté sur ses excuses. Neantmoins apres beaucoup d'instances, & de supplications, il se resolut, & se transporta à la Chambre de la Noblesse, assisté de plusieurs Archenesques, Euesques, & autres Deputes de l'Assemblée, qui à leur retour rapporterent que le mesme Seigneur Cardinal auoit rauy les assistans par sa doctrine; & par son éloquence incomparable, de sorte que la Noblesse auoit témoigné par ses aplaudissemens qu'elle estoit du tout resolue à faire ce à quoy Monseigneur le Cardinal l'auoit exhortée.

Le mesme iour en la seace de releuce, Monsieur le Comte de Choisy, auec sept autres Seigneurs de la Chambre de la Noblesse, sestans rendus à celle de l'Eglise, la remercierent de l'honeur que Monseigneur le Cardinal du Perron leur auoit fait. Ils dirent encores que pour l'article proposé & communiqué par le Tiers Estat, ils l'en remettoient entierement à l'aduis & au conseil de l'ordre Ecclesiastique: Et protesterent qu'ils le vousoient suiure, & se conformer particulieremet à luy en toutes les matieres où il seroit question de la Foy, de la Religion, ou d'autre chose qui en despend. Moseigneur le Cardinal du Perro Presidet en ceste assemblee les loua, & les remercia de leur genereuse résolutio, & après par vn docte & di-gne Panegyriq; exalta l'honeur de leur ordre:

Le Vendredy 2. de Ianuier Monseigneur le Cardinal du Perro sui encores supplié de prédre la peine de se rédre à la Chembre du Tiers Estat, pour luy faire les exhortations requises sur le sujet de l'article dont il est question, & à fin de lui saire entédre les disseultez de ce mesine article, ses dépédances & ses consequéces.

Apres qu'il s'en fut fort excusé, en sin il acquiesça, au grad desir & à la passion que toute la Copagnie Ecclesiastique tesmoignoit auoir pour le disposer, & le resoudre à le faire. En sin donc il satisfit aux supplications qu'on luy faissoit, & se rendit à la Chambre du Tiers Estat, accopagné de plusieurs Archeuesques, Euesques, & autres Prelats, mesine d'vn grand nombre de Noblesse, & d'vne infinité de personnes de qualité, qui d'vne acclamation

commune, & d'vn applaudissement vniuersel ont certifié que Monseigneur le Cardinal du Perron, admirable en tous ses discours, sestoit en cestuy-cy surpassé soy-mesme. Et que plusieurs du Tiers Estat forcez par ses raisons inuincibles ontresssé, impugné & desauoué publiquement l'article dont il est question, voire-m'esme s'en sont pris à leur Presidet: Voyas fort bien que cest Article (suiuant que leur venoit d'apprendre ce grand Cardinal) ressembloit proprement à vn Monstre que descrit le Poëte Horace: Monstre qui avoit le visage d'vne belle femme, & qui par le reste du corps representoit vn poisson: De sorte qu'il y auoit de l'apparence que ce Monstre auoit trauersé la Mer d'Angleterre pour nous endormir de mesme qu'vne Sireine: Puis qu'entre le serment d'Angleterre & cest Article, il n'y à point de difference, sinon que celuy de la grande Bretagné est encore plus doux, quoy que d'abord il semble moins tolerable.

Le Samedy 3 de Ianuier, on donna aduis à quelques-vns de la Compagnie Ecclesiastique que la Cour de Parlement auoit donné le iour precedent vn arrest en consequence, & sur le suject dudit Article, & des discours tenus par Monseigneur le Cardinal du Perron: De sorte que l'assemblée qui auoit resolu de ne point entrer à cause de la feste de saincte Geneuief-ue, sut neantmoins conuoquee, & se trouua en sa Sale, où plusieurs choses & particularitez interuenuës & traittees en la Cour de Parlement sur l'arrest par elle donné, & en la de-liberation

liberation du melme arrest furent cocertees! Et ayant esté entre autres choses iugé que la Cour de Parlement continuoit de cognoistre des matieres de Religion, Spirituelles & Ecclesiastiques, & d'autre part empeschoit par ce mesme attest la liberté des Estats, & donnoit de la terreur mesme au Tiers Estats, pour ne pouvoir avec liberté deliberer sur cest arricle, il fut resolu attendant qu'auec la ionction des Chambres, on y peut pouruoir autrement, d'en faire plainte à leur Majestez, les supplier d'y remedier, & d'arrester leur Cour de Parlement : & Monseigneu rle Cardinal de Sourdy fut aussi supplié d'en porter la parole. Ce qu'il fit auec non moins de zele. que de prudence le mesme iour, & leurs Majestez rendirent tesmoignage d'estre fortesmeuz & faschez de cest arrest, & donnerent asseurance qu'ils y feroient pournoir,

Le Lundy cinquiesme Ianuier, l'article sur l'asseurance des vies des Roys, & sur la detestatio des erreurs abominables qui enseignét qu'il est loisible d'entreprendre sur leurs sacrees personnes, a esté leu, agité, & publié en la compagnie Ecclesiastique, & arresté qu'il seroit enuoyé aux autres Chambres, & qu'elles seroient prices de l'agreer. Voicy mot à

mot la teneur de cest Article.

Les detestables parricides commis és personnes sacrées de nos Roys, ont faict cognoistre par experience au mal-

heur de la France, que les loix, & les peines temporelles, n'estoient pas seules suffisantes pour en destourner les damnables autheurs, qui induicts & seduicts par les artifices du diable, ont presumé en commettat telles abominations d'euiter les peines eternelles. C'est pourquoy les Ecclesiastiques de vostre Royaume, ausquels Dieu a commis le soing es la conduitte des ames es des consciences de vos peuples, desireux tant comme Pasteurs, que comme sidelles subjects de vostre Majesté, de pouruoir autant qu'il leur est possible, à la seurete de vostre personne, & au repos de vostre Estat, ont estimé estre de leur deuoir & authorité l'astoralle, pour arracher & destourner ceste abominable fureur, rebellion & parricide, du cœur co de la pensee de tous ceux qui veulet obeyr à la voix du S. Esprit, pronocé par l'Oracle infaillible de l'Eglise vniuerselle, & emiter

la damnation eternelle, preparee à ceux qui y contreuiennent, de renouueller es faire publier le Decret de la Sessuoy quinziesme du Concile de Constance, tenuily a deux cents ans: Par lequel Decret, tous ceux qui soubs quelque. pretexte que ce soit, voudroient maintenir qu'il soit permis d'attenter à la personne sacree des Roys, & mesmes des Tyrans, sont declarés a bominables, heretiques, & codamnez aux peines eternelles. Or les mesmes Prelats de l'authorité de l'Eglise, supplient tres-humblemet vostre Majeste, d'auoir pour agreable ceste publication, pour l'instruction de vos peuples, seul & propre remede, à lier co obliger les consciences, et à les destourner de toutes telles execrables imagina? tions: En outre supplient vostre Majeste, d'escrire ou faire entendre par ses Ambassadeurs, à nostre Sainct Perc le l'apeladicte publication, & renouuellement dudict Sainct Decret, comme ses predecesseurs l'ont faict, offrant les dicts Prelats d'y adiouster leurs tres-humbles supplications, si besoing est.

Et à mesme temps il sut arresté en la Chãbre Ecclesiastique, qu'on feroit vne plainte & remonstrance au Roy, sur le contenu de l'atrest cy dessus mentionné, & sur d'autres points qui en dépendent. Que pour ce suject le Roy seroit supplié de casser cest arrest, le faire ofter & rayer des Registres de la Cour, ensemble les conclusions des gens du Roy. Secondement que sa Majesté imposeroit silence à ces Parlemens, & leur deffendroit à l'aduenir de traicter, iuger, ou determiner des matieres de la Foy, & de la doctrine de l'Eglise, & mesmes de l'authorité de nostre S. Pere le Pape, sa Majesté se reservant d'en traicter auec sa Saincteté aux occasions, & que par mesme moyen il leur seroit dessendu de n'en ordonner aucune execution, soubs pretexte d'innouer les arrests passez. Et de quelques autres poin & encores qui ne font rien sur ce suject. Monsieur l'Euesque d'Angers. fut prié & chargé d'en porter la parole. Cependantil fut resolu en la Chambre Ecclesiaflique, qu'on inuiteroit les autres Chabres à seioindre à ceste remonstrance. Messieurs de la noblesse firent respoce que volotiers ils s'y ioindroiet: mais le Tiers Estat s'en excusa sur

ce qu'elle n'auoit eu temps pour s'y resoudre.

Le mesme iour de releuee Messeigneurs les Cardinaux, plusieurs Archeuesques & Euesques, s'estans rendus au Louure, Monsieur d'Angers y sit sa remonstrance & supplication, sur les poinces precedans, auec non moins de pieté & de zele, que de doctrine & d'eloquence. Le Royapres luy auoir donné vne audience sort sauorable, respondit qu'il y aduiseroit auec son Conseil.

Le Mecredy septiesme de Januier, Monseigneur le Chancelier enuoya à Messeigneurs de la Chābre Ecclesiastique, l'arrest du Conseil donné sur leur supplication, portant euocation des matières: Inhibitions de dessiberer sur l'article & autres points contenus au mesme arrest.

Apres qu'on eust faict la lecture de cest arrest, toute la compagnie n'en ayant poince
esté satisfaicte entierement, elle deputa vers
Monseigneur le Chancelier, pour luy en faire la plainte, & demander encore iustice. Il
respondit que le Roy auoit faict tout ce qui
estoit possible pour le present, donnant cest
arrest, & que sa Majesté pensoit auoir donné
grande occasion aux deux Chambres d'estre
contentes.

Le leudy huictiesme Ianuier, la responce de Monseigneur le Chacelier ayant esté rapportee, & Messeigneurs de la Chambre Ecclessastique ayans jugé ne pouvoir estre satisfaicts, arresterent de faire une seconde remostrance. Monsieur d'Angers sur prié de la sai-

D. iii

re, & l'on deputa vers Messeigneurs de la noblesse, qui accorderent de se ioindre auec eux.

Et incontinét Messeigneurs les Cardinaux, plusieurs Archeuesques, Euesques, & autres auec les Députez de Messeurs de la Noblessee, s'estans rendus au Louure, Mosseur d'Angers y sit la seconde remonstrance. Il s'estendit particulierement sur ce poinct: Que les Cours de Parlemet ne puissent iuger des matieres de la Religion: ensemble sur l'arrest de la Cour doné au prejudice de la liberté des Estats sur la rejection de l'article dont il est question. Et en cela il s'acquitta si dignemer,

qu'il fut loué vnaniment d'vn chacun.

Le mesme iour de releuce, le Vendredy, le Samedy, & les trois iours suiuas, messeigneurs de la Chambre Ecclesiastique attendans la resolution de sa Majesté sur leur remostrance, n'ont peu trauailler à chose aucune. Seulemet ils se sont exhortez les vns les autres à prier Dieu, asin qu'il luy pleust inspirer à sa Majesté ce qui est du bien de son Eglise, & empescher le desordre que ses ennemis y veulent introduire. Monseigneur l'Euesque de Paris sut prié d'exhorter les personnes, & les compagnies Religieuses de ceste ville, à se mettre en deuotion & en Oraison, sur ce mesme subject.

Le Mecredy quatorziesme de Ianuier, Mőseigneur le Cardinal de Ioyeuse, quoy qu'indisposé de sa personne, voyant la longueur, & les dissicultez qui se sormoient au Conseil du

Roy sur la seconde remonstrance, & la peine où le Clergé se trouvoit, se rendit à Paris, & vint de Coffans où il estoit pour lors: & apres auoir conferé sur ce suject, auec Messeigneurs les autres Cardinaux, il representa à la Royne l'importance de celte affaire, & par son commandement confera aucc Messeigneurs le Chancelier, de Ville Roy, & President Ianin, & l'on prist expedient & resolution, que l'on feroit raison, & que l'on donneroit contentement aux deux Chabres sur leur remonstrance: Et qu'on pouruoyroit sur les poinces qui y estoientrepresentez, par l'ordre qui fut entr'eux concerté. Or Monseigneur le Cardinal de Ioyeuse s'employa religieusement en ceste affaire, & si vigoureusement que sans auoir égard, au hazard de sa santé qui s'altera grandement, il n'y oubliz rien de ce qui appartient à la pieté d'vn si grand & si digne Prelat.

Le Ieudy 15. de Ianuier, Monsseur de Marillac, vint de la part du Roy à la Chambre Ecclesiastique, & dict à l'assemblee, que sa Majesté ayant esté empeschee en certains affaires, elle n'auoit peu vacquer à la responce que la Chambre Ecclesiastique desiroit: mais qu'elle la contenteroit dans peu de jours.

Le Vendredy 16. de Ianuier, Moseigneur le Mareschal de Brissac, se rédit de la part du Roy en l'asséblee Ecclesiastique, & apres plusieurs paroles pleines d'affection & de bonne voloté, que sa Majesté tesmoignoit à l'Ordre Ecclesiastique, & particulierement à nostre S. pere le Pape dict: Que le Roy sur la plaincte

& remonstrance pretedu faicte par ceste copagnie, cotre vn certain arrest non arrest publiéen datte du secod du mois de lanuier, so le no de la Cour de Parlement, auoit comande que l'Imprimeur fut emprisonné: Que le procez verbail de son emprisonnement fut chargé de la cause d'iceluy : & que le tout sut impriméauec l'arrest du Conseil, & enuoyé aux Bailhages : Que le Roy a faict retirer l'article du Cayer du Tiers Estat, pour y pournoir auecle bon aduis de la compagnie Ecclesiastique. Il dict encores que si la mesme compagnie trouvoit bon de presenter à sa Majesté quelque autre article sur le mesme suject, que sa Majesté l'auroit pour agreable. Er quand aux autres articles & poincts, sur lesquels les remonstrance & les plaintes sont fondecs: que sa Majesté auoit agreable qu'ils fussent mis à la teste du Cayer de la compagnie, & que le Roy luy en donneroit tout contentement raisonnable.

Le mesme jour la compagnie Ecclesiastique delibérant sur ce suject, & sur la respoce & asservance, rapportee par Monsieur le Mareschal de Brissa de la part du Roy: A jugé que puis que l'article qui a esté le subject de la contestation est retiré, & qui ne sera point misan Cayer du Tiers Estat: Que par l'arrest du Confeil, l'execution des arrests de la Cour de Parlemet, est suspendue & la matière eu oque el Que le chastiment & punition del Imprimeur du pretendu arrest de la Cour, & par la publication du procez vetbal

faict sur la punition des coulpables, la verité sera allez manifestee: Et finalement veu l'asseurance que sa Majesté donne de pourueoir au sur le Cayer : elle n'a poinct occasion d'estre mal contente: mais plustost de remercier tres-humblement leurs Majestez: Suppliat Melseigneurs les Cardinaux de le faire pour elle: & par mesme moven d'auoir soin à ce que la responce de la Majesté soit effectuee: Et lesdits Seigneurs Cardinaux ont pris la charge d'en faire la solicitation. L'on ordonna pareillement, qu'on remercieroit Monseigneur le Cardinal de l'oyeule, & Monleigneur le Chancelier, pour le soing particulier & l'affection singuliere qu'ils ont apportee en cette affaire, & encores Messieurs de la Noblesse, qui y ont tesmoigné beaucoup de pieté & de zele.

Depuis la Chambre Ecclesiastique ayant estéaduertie, comme le Roy auoit commandéau Tiers Estat de rayer tout à faict l'Article doril est question, de leur Caver, & de leur prorez verbal: Et que le Tiers Estat deliberant sur ce subiect, anoit estéen contestation, & que toutesfois la pluralité se portoit à obeyr au Roy, Messeigneurs les Cardinaux ont esté encores suppliez d'auoir soin que l'execution inuiolable se face, de ce qu'il a pleu au Roy or-Au resteleurs Majestez & toutela donner. Cour, sont tesmoins que ces grands Prelats ont apporté en la poursuitte de ces choses, tout le respect & toute la moderation qu'on doit se promettre de personnes de leur qualité. Et qu'en toutes leurs actions ils se sont conformez au

bon plaisir de leurs Majestez.

'Est la teneur de la procedure de nos Prelats. C'est la verité que ie prom ettois de representer au commencement de ce Manifeste. Et maintenant que ce ux qui ont tant soit peu de raison ingent des artifices de ceux qui calomnient leurs procedures. Quelle apparen ce que le Clergé de France souitienne des propositions contraires à l'authorité & à la vie de nos Roys? Luy qui suinant les Canos des Sain des Conciles, apporte pour la conservation de leur personne & de leur Sceptre, de si sainctes constitutions: Cependant ces trompettes deseditions accusent tantost defelonie & de legereté, & maintenant d'ingratitude, vn des plus constants,& des plus fidelles seruiteurs de la Couronne. Ha tombeau riche de nos dépouilles, que ne nous rends-tu le grand Henry pour chastierle mésonge&, l'imposture de ces langues venimeuses. Impurs écriuains appellez-vous felonie, desfendre les droicts de l'Eglise ? Est-ce donques vne legereté de soustenir que nos Roys sont souverains en leur Temporel? Souillez-vous du vice d'ingratitude ce35

luy qui parmy l'authorité du S. Siege maintient tousiours si fidelement les prinilèges de l'Eghse Gallicane. Où est le front, & où est la honte? La perdistesvous de telle sorte à la journée de Fontainebleau, que comme des semmes debauchees & descriées vous n'ayez

plus de vergogne?

O grands Cardinaux, & venerables Prelats, qui auez tesmoigné en ceste action autarde pieré, & de zele, que l'on vousveüt attribuer d'infamie &d e'deshonneur. Ce n'est pas d'auiourd'huy que Dieu espreuue la patience des sies. Touresfois les gens de bien se consolét auressentiment quils ont du tort que lon vous fait, quand ils se representent que ceux qui vous calomnient iniustement portent plus de supplice dans leur cœur, qu'ilsne taschent de vous couuric de disfame, puis que leur conscienceles accuse, & leur sert de bourreau 3 perpetuel. Sont ce pas des impolteures autant estranges que ridicules, de crier tout haut que nos rrelats veulent assujectir la France à l'Italie? Qu'ils veulent introduire de damnables Maximes, & faire ployer la Majesté de nos Roissous

E ij

le joug du Pape? Et que soubs ces maximes ils veulent faire couler intensiblement, qu'il est loisible d'attentet à la vie des Roys? O plumes abominables! ô bouches execrables! Nos Prelats publient & soustiennent que Rome n'a point de iurisdiction sur Paris, ny l'Italiesur la France: Que le temporel de nos roys est autant different du spiriruel du S. Pere, comme le corps est different de l'ame, & comme les choses terrestres sont separees descelestes. Nos Prelats signeront tousiours de leur sang (l'il en est besoing) cest article du Concile de Constace, dont voicy la teneur: Le Sainct & Sacré Concile, Voulant pourueoir à l'extirpation des erreurs, es des heresies qui s'introduisent en dinerses parties du monde, selon qu'il y est obligé, estant assemblé, pour ce mesme suiect: co ayant appris qu'on met en auant des maximes, en des propositions du tout contraires à la foy, or aux bonnes mœurs, Gentieremet scandaleuses come celles qui Yeulent perdre, & ruyner de fonds en co-

ble l'Estat, & l'ordre de toute la Republicque, & entre autres ceste cy: Qu'il est loisible & permis de droict à vn vassal, & à vn subiect, voire par des embusches, des trahisons, de belles parolles, & des allechements, nonobstant quelque iurement de sidelité, & de confederation, de tuer vn Tyran: Or le sainct Concile voulant remedier à cest erreur, & l'arracher entierement a declaré, ordonné, en arresté, que ceste doctrine est contraire à la foy, or aux mœurs. C'est pourquey le mesme Sacré Concile l'a reprouue, & l'a condamne, comme heretique, scandaleuse, & comme celle qui tend, & qui ouure le chemin aux fraudes, aux deceptoins, aux menonges, aux trahisons, er aux periures. En outre declare, ordonne es conclud, que tous ceux qui soustiendront cette doctime du tout execrable of pernicieuse sont heretiques, & que comme tels ils doinent estre punis suiuant le droit Canon.

Et que diront maintenant ces don? neurs d'allarmes, & ces fuzils de diuision contre vnarticle si sainct, & si fauorable pour la pérsonne des Roys? N'est-ce pas l'Eglise Romaine qui l'a produice? Et cependant n'est cepas contre elle que les portes d'Enfer tafchent de le preualoir? Ils me sont ressouvenir de ceux qui pour empescher la restauration de serusalem escriuoiet au Roy de Perse que ceste ville anoit tousiours esté ennemie des Rois, & par consequent qu'ils de uoient comander qu'elle ne fur point rebastie. Les aduersaires de l'Eglise crient de mesme contre Rome. Et pour authoriser leurs calomnies ils confondent les choses Spirituelles auec les Temporelles : Et puis pour la rendre odieule, ils vont publiant qu'elle veut oster aux Roys ce que le Spirituel ne veut, ny ne peut leur disputer. Mais ceste sorulalem que les Infidelles accusent de rebellion ne faict elle pas des sacrifices pour les Alexandres, & pour les Augustes? Et l'Eglise Romaine de qui Ierusalem estoit la figure, n'asseure elle pas la Coronne des Rois, puis que mesme elle excommunie, condamne, & deteste non seulemet ceux qui attentent à la vie des Rois, voire encore ceux qui s'ingerent de tuer les

Tyrans.

Belle & saincte doctrine quel'on apprendàl'Escole du Sainct Esprit, & non à celle de la pretendue Reformation, qui croit tout le contraire. Lors que quélcun de nos Docteurs vient à commettre quelque faute, foudain cesimpudents accusent toute l'Eglise, Mais que ne jettent-ils les yeux sur les escrits de leurs Docteurs tous semez de ces estranges ou pareilles maximes? Nous condamnons & brulons tous les iours publiquement les escrits des Autheurs de ces execrables paradoxes : au lieu . que la pretendue Refformation met en son martyrologe, comme Protomartyrs, desanglans & d'abominables ennemis des puissances temporelles. Et rendre Protomartyrs ces Monstres, & ces ames prodigieuses n'est-ce pas se rendre coulpable de leurs crimes horribles & detestables?

O France jette l'œil sur le mal qui te menace, & qui pend des-ja sur ra teste. O iuste Parlement escoutez paisible.

ment les raisons des Ecclesiastiques & nepresté poinct l'oreille à des Syrenes tromperelles: Et vous, grand Roy, à qui Dieu a donné extraordinairement comme à Salomon en vn aage si tendre l'esprit de sapience. Grand Roy qui assiste de l'aduis, & de la prudence de la plus sage Reyne que les histoires sidelles nous celebrent, penetrez des-ja au dedans des plus cauteleux desseins de la débauchee, qui tasche par ses artisices à démébrer les enfans de l'Espouse: le Ciel vueille fauoriser vos actios vrayment Royales, & dignes du premier fils del'Eglise Ainsi puissiez vous suiuantle pas del'vn de vos ayeux, de qui vous imitez le zele, de mesme que vous en portez le nom, arracher par le ministere de vostre equitable parlement ces maudites racines, qui ont produict tant de mauuaises herbes au champ de nostre Seigneur- Ainsi tousiours les Anges Tutelaires de vostre Estat: Ie veux dire vostre sage Conseil vous propose la religion de vos ancestres, & la bonne intelligence que les Debonnaires, que les Dieu donnez, queles Saincts, & queles reres du peu-

ple ont tousiours en é au ec les Souuerains Pontiffes: Ainsi puissions nous soubs vos auspices voir le trouppeau du Fils de Dieureduit soub la houlet. te d'vn pasteur, & regy par le Sceptre d'vn Roy tres-Chrestien: Et qu'en fin la pieté refleurissant en France, vn Payen ne nous codamne point vn iour en iugement par cesparoles qu'il a escrites autres fois soubs le regne mesme de l'infidelité: Les Romains (disoit cet infidelle) en faict de pieté ont tousiours prefere la Religion à toutes les autres choses, sans auoir mesmes 'égardaux Maiestés souueraines: par ce queles Empereurs n'ont pas faict difficulté deseruir à la pieté: Aussi ont-ils estimé que les puissances temporelles sont de longue duree, lors qu'elles recognoissent comme il faut la puissance

on stricture commadition of

## EXTRAICT DES REgistres du Conseil d'Estat.

E Roy ayant entendu les differens suruenus en l'assemblée destrois ordres desestats de son Royaume, conuoquez à present par son commandement en ceste ville, sur vn Article proposè en la Chambre du Tiers Estat, & la deliberation interuenuë en sa Cour de parlement sur le mesme subject le deuxiesme du present mois, Ouy les remonstrances des Deputez du Clergé & de la Noblesse, Sa Majeste seant en son Conseil, assiste de la Réyne sa Mere, princes de son lang, autres princes, Ducs, pairs, Officiers de la Couronne, & autres de son Conseil, pour bonnes & grandes considerations, a euoqué & euoque à sa propre personne lesdits differens, a surçis & surceoit l'execution de tous Arrests & deliberations sur ce interuenus. Faict expresses inhibitions & dessences ausdits Estats d'entrer en aucune nouuelle deliberatio sur ladite matiere. Età

43

sadite Cour d'en prendre aucune iurisdiction ny cognoissance, ny passer outre à la signature, prononciation & publication de ce qui a esté delibere en icelle, leditiour deuxiesme de cemois. Faict audit Conseil tenu à paris, le sixiesme iour de Ianuier mil six cens quinze.

Signé,

DE LOMENIE.

OVIS PAR LA GRACE DE

DIEV ROY DE FRANCE ET

DE NAVARRE, à nos amez &
feaux Conseillers, les gens tenans nostre Cour de parlement à paris,
Salut. Sçauoir faisons, que sui uant l'Arrest cy attaché soubs nostre contre-scel
ce iourd'huy donné en nostre Conseil,
Nous auons pour bonnes & grandes
considerations eu oqué & eu oquons à
nostre propre personne les differés suruenus en l'assemblee des trois Ordres
des Estats de nostre Royaume, conuo
quez à present par nostre commandement en ceste nostre bonne Ville, sur
l'article proposé en la Chabre du Tiers-

Fij

Estat ensemble la deliberation interuenuë en nostredicte Cour sur le mesme subiect, le deuxiesme de ce mois; Auons surcis & surceons l'execution de tous Arrests, & deliberations sur ce interuenues. Faict & faisons expresses inhibitions & defféses ausdits Estats, d'entrer en aucune nouuelle deliberation, sur ladite matiere, & à vous d'en prendre aucune iurisdiction ny cognoissance, ny passer outre à la signature, prononciation de ce qui a esté de liberé en nostredicte Cour, ledictiour deuxiesme de ce mois. Si voulons & vous mandons que nostredict Arrest cy attaché & ces presétes, Vous ayez à faire enrigistrer pour auoirlieu, & estre executez sélon leur forme & teneur. Cartel est nostre plaisir. Donné à paris je six je sime jour de lauier, l'an de grace mil six cens quinze, & de nostre regne le cinquiesme.

> Signé, LOVIS, Et plus bas par le Roy, DE LOMENIE.

Etseelees sur simple queue du grand sceau de cire iaune.

Pour obeir par moy HENRY de Mesme, Sieur d'Irual, Conseiller du Roy en ses Conseils d'Estat & priué, & son Lieutenant Ciuil en sa ville, preuosté, & Vicomté de paris, au tresexpres commandemet que nous auons receu du Roy & de la Royne, defaire mettre prisonnier vn nommé pierre Mettayer qui a imprimé vn escrit intitulé Arrest de la Cour de parlement du deuxiesme Ianuier 1615. Nous auons faict prendre au corps ledict Mettayer & constitué prisonnier és prisons du grand Chastellet de paris, où il est à Present: Ce que nous certifions estre vray. Faict le quatorziesme Ianuier, mil six cents quinze.

Signé, H. DE MESME.

Collationné à l'Original, par moy Conseillier, Secretaire du Roy, Maison & Couronne de France.

Signé, LE FEVRE.

The state of the s -- 30 to a resulting to the Fragment of the second of the Mark Mark Commencer Commen



